



Broj: 07-06-21-6128/23

Sarajevo, 20.04.2023. godine

Na osnovu čl. 5. i 6. Zakona o slatkovodnom ribarstvu ("Službene novine Federacije Bosne i Hercegovine", broj 64/04), Ministarstvo privrede Kantona Sarajevo raspisuje

## KONKURS

### za ustupanje na korištenje ribolovnih područja I i VI davanjem ribolovnog prava na period od 10 godina na području Kantona Sarajevo

Ribolovna područja I i VI utvrđena Pravilnikom o ribolovnim područjima i granicama ribolovnih voda na području Kantona Sarajevo ("Službene novine Kantona Sarajevo", br. 24/05 i 37/05), ustupaju se na korištenje davanjem ribolovnog prava na period od 10 godina **po početnim cijenama** utvrđenim Odlukom o izmjeni Odluke o utvrđivanju visine početnih cijena godišnje naknade za korištenje ribolovnih područja ("Službene novine Kantona Sarajevo", broj 8/17) kako slijedi:

- za Ribolovno područje I ..... 2.000,00 KM;
- za Ribolovno područja VI ..... 1.750,00 KM.

**Pravo podnošenja prijave** na ovaj konkurs imaju fizička i pravna lica, odnosno udruženja ili organizacije sportskih ribolovaca.

#### Podnosioci prijave su dužni da dostave slijedeću dokumentaciju:

- 1) Uredno ispunjen Obrazac prijave (Obrazac prijave može se preuzeti na protokolu Kantona Sarajevo);
- 2) Izvod iz sudskog registra (ne stariji od 3 mjeseca od dana podnošenja prijave), koji obavezno sadrži djelatnost ribarstvo – **pravna lica**;
- 3) Izvod iz Obrtnog registra (ne stariji od 3 mjeseca od dana podnošenja prijave) i Rješenje o obavljanju samostalne djelatnosti poljoprivrede iz oblasti ribarstva izdatu od nadležne općine – **fizička lica**;



- 4) Izvod iz Registra udruženja (ne stariji od 3 mjeseca od dana podnošenja prijave) i Rješenje nadležnog ministarstva o upisu u registar udruženja iz oblasti ribarstva – **udruženja ili organizacije sportskih ribolovaca**;
- 5) Program gospodarenja ribolovnim područjem za koje se konkuriše, a koji mora da sadrži slijedeće stavke:
  - procjenu količine riba i njihov prirast u ribolovnom području ili ribolovnoj zoni ili njenom dijelu;
  - dozvoljeni godišnji ulov ribe po vrstama i dozvoljeni dnevni ulov ribe;
  - plan poribljavanja prema količinama i vrstama ribe, te novčana sredstva za realizaciju plana;
  - mjere i način zaštite ribolovnog područja, ribolovne zone ili njenog dijela, organizaciju rada ribočuvarske službe, te plan rada na uređenju okoliša;
  - planirane sportske – ribolovne aktivnosti;
  - planirana novčana sredstva i namjenu korištenja tih sredstava.
- 6) Izvještaj o radu udruženja za predhodnu godinu;
- 7) Izvještaj o organizovanju, sudjelovanju i postignutim rezultatima na sportsko-ribolovnim domaćim i međunarodnim takmičenjima – dokaz potvrda od Sportsko ribolovnog saveza Federacije Bosne i Hercegovine;
- 8) Izvještaj o drugim aktivnostima (čišćenje područja oko riječnih tokova), edukacije, promocije, popularizacija sportskog-rekreativnog ribolova – potvrda od subjekata kod kojih se aktivnosti provode;
- 9) Izvod iz banke o stanju na računu za prethodni mjesec;
- 10) Potvrdu od nadležne kantonalne porezne uprave da nema dospjelih, a neizmirenih obaveza za predhodnu godinu;
- 11) Potvrdu Uprave za indirektno oporezivanje BiH da nema dospjelih, a neizmirenih obaveza za predhodnu godinu (za obrtnike i pravna lica koja su u sistemu PDV-a, a, ako nije u sistemu PDV-a, onda potvrdu/uvjerenje izdato od Uprave za indirektno oporezivanje da nije u sistemu PDV-a);
- 12) Bilans stanja i bilans uspjeha za 2022. godinu, potpisan i ovjeren pečatom knjigovođe (odnosi se na pravna lica);
- 13) Godišnju prijavu dohotka za obavljanje samostalne djelatnosti (zadnja koju su obavezni sačinili u skladu sa relevantnim zakonskim propisima – za fizičke osobe – obrtnike);
- 14) Ovjerenu izjavu u ukupnom prometu u 2022. godini navesti sve prihode po kontima i sve rashode po kontima (odnosi se na udruženja građana sportskih ribolovaca) potpisane i opečaćene od strane odgovorne osobe, liste izdanih ribolovnih dozvola za prethodnu godinu sa kategorijom i cijenom dozvole (godišnja, vikend i dnevna);

- 15) Ovjerenu izjavu o broju zaposlenika u 2022. godini (odnosi se na pravna lica), odnosno broj članova udruženja (broj registriranih ribolovaca u 2022. godini);
- 16) Ponudu koja se daje u formi ovjerene izjave. Ponuda visine naknade za korištenje ribolovnog područja, ne može biti manja od početne cijene naknade za područje za koje se konkuriše, utvrđene Odlukom o izmjeni Odluke o utvrđivanju visine početnih cijena godišnje naknade za korištenje ribolovnih područja ("Službene novine Kantona Sarajevo", broj 8/17);
- 17) Uvjerenje nadležnog suda da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca ne stariji od 3 mjeseca od dana podnošenja prijave;

**Pravo prijave na Konkurs imaju samo subjekti koji imaju sjedište na području Kantona Sarajevo.**

**Navedena dokumentacija se obavezno dostavlja u originalu ili ovjerenim fotokopijama.**

**Konkurs ostaje otvoren 15 dana od dana objavljivanja u dnevnim novinama i na web stranici Ministarstva privrede Kantona Sarajevo [www.mp.ks.gov.ba](http://www.mp.ks.gov.ba)**

**Nepotpune i neblagovremene prijave neće se uzeti u razmatranje.**

**Prijave sa navedenom dokumentacijom slati na adresu:**

*Kanton Sarajevo-Ministarstvo privrede, Reisa Džemaludina Čauševića 1,*

*sa naznakom: "Prijava za konkurs za ustupanje na korištenje ribolovnog područja I i/ili VI davanjem ribolovnog prava na period od 10 godina na području Kantona Sarajevo sa naznakom "NE OTVARAJ"*

**Napomene:**

Konkursna komisija će izvršiti javno otvaranje blagovremeno prispjelih prijava na Konkurs, gdje će se prisutni informisati o potpunosti dostavljene dokumentacije, te o ponuđenom novčanom iznosu, a o terminu otvaranja svi kandidati će biti predhodno blagovremeno pismeno obavješteni.

Konkursna komisija će izvršiti bodovanje prijavljenih kandidata prema:

- a) visini ponuđenog iznosa finansijskih sredstava za svako ribolovno područje, dobiva maksimalnih 30 bodova, a ostali aplikanti u kontinuitetu po 5 bodova manje, s tim što najmanji broj bodova iznosi 5 bodova;
- b) Program gospodarenja ribolovnim područjem – maksimalno do 24 bodova (bodovanje se vrši po stavkama);



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-122, Fax: + 387 (0) 33 562-226  
Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)

3/4

- c) broju uposlenih i/ili članova - podnositelj prijave sa najvećim brojem uposlenih i/ili članova dobiva maksimalnih 10 bodova, a ostali u kontinuitetu po pet bodova manje;
- d) učešću, organizovanju i osvojenim nagradama na takmičenjima vrednovat će se pojedinačno, a maksimalni broj dodijeljenih bodova ne može biti veći od 10 bodova;
- e) organizovanju akcija čišćenja ili drugih aktivnosti na obalama rijeka vrednovat će se pojedinačno, a maksimalni broj dodijeljenih bodova ne može biti veći od 10 bodova.

Nakon izvršenog bodovanja po utvrđenim kriterijima Konkursna komisija će pismenim putem obavjestiti kandidate čije su prijave razmatrane o rezultatima bodovanja.

Sve dodatne informacije mogu se dobiti na broj telefona 033/562-141.

